

Ko te māharahara koe mō tō haumarutanga?

Kāhore e noho haumaru ētehi tāngata mehemea ka wātea ā rātau taipitopito hei pānui mā te katoa i te rārangī pōti, engari kāhore e aukatia te mana ki te poti.

Mehemea ko te māharahara koe mō tō haumarutanga, mō te haumarutanga rānei o tō whānau, ka āhei koe ki te tono mai kia noho tō ingoa ki te rārangī muna matatapu. Ka āta tiakina ō taipitopito rēhita kia kore e riro i tangata kē atu.

Ko te māharahara koe mō tō haumarutanga?



vote.nz

0800 36 76 56



Me pēwhea mehemea ka huri aku taipitopito?

Mehemea kei te rārangi muna koe, me whakamōhio mai i a mātau mehemea ka huri ō taipitopito rēhita, pērā i tō ingoa, i tō wāhi noho rānei. Ka āhei koe ki te whakaki i tētehi puka rēhita hou, kātahi ka whakahokia mai ki a mātau. Ka āhei hoki koe ki te tono ki te whakawhiti atu ki te rārangi tūmatanui, mehemea ka huri ngā tūāhuatanga o tō ao.

Whakapā mai ki Te Kaitiaki Take Kōwhiri, īmēra mai rānei ki unpublished.roll@elections.govt.nz nēi he panonitanga hei mahi māu.



Me pēwhea taku pōti mehemea kei te rārangi muna ahau?

Ka āhei koe ki te pōti i ngā wāhi pōti puta noa i Aotearoa i ngā pōtitanga whānui me ngā pōtitanga pāerotanga. Me tuku pōti motuhake koe, i te mea kāhore e tāngia tō ingoa ki te rārangi pōti kua tāngia kia whakamahia ki te tuku pepa pōti i te wāhi pōti.

Ina whakakī koe i tō pepa pōti, me whakakī hoki koe i tētehi puka tāpiri hei whakaū i te rohe pōti e rēhitatia nā koe ki te pōti. Ehara i te mea me whakakī koe i te wāhi noho, i ngā kōrero rānei mō ō ingoa o mua, mehemea kāhore koe i te hiahia. Heoi, ka āwhina ēnei pārongo i a mātau ki te whakaū i tō āhei ki te pōti. Ina tae atu koe ki tētehi wāhi pōti, hei reira tētehi tangata hei ārahi i a koe.

Kia āhei ai koe ki te pōti i ngā pōtitanga ā-rohe, me tono koe ki te āpiha pōti i tō kaunihera ki te tuku atu i ō pepa pōti ki a koe.



**ELECTORAL
COMMISSION**
TE KAITIAKI TAKE KŌWHIRI



Me pēwhea te noho ki te rārangi muna

Ki te hiahia koe ki te tono ki te uru ki te rārangi muna, whakakīa te puka e tāpiritia ana ki tēnei mātārere, ka whakahoki mai ai.

Mehemea kāhore anō koe kia rēhita, ko te hiahia rānei koe ki te whakahou i ō taipitopito, me whakakī koe i tētehi puka rēhita nō hoki. Mehemea e hiahia ana koe ki tētehi puka rēhita, kōwhiria tētehi o ēnei ara:

- waea mai ki **0800 36 76 56**kia tukua atu ai tētehi puka rēhita ki a koe
- tīkina ake tētehi puka rēhita i **vote.nz** hei whakaoti māu, ka whakahoki mai ai.



He aha ngā kōrero tautoko hei tāpiri māku?

Me tuku kōrero koe hei whakaatu i te take e hiahia nā koe ki te rēhita ki te rārangi muna. Anei ētehi tauira o ngā kātū kōrero hei tāpiri māu. (Ehara i te mea me tāpiri i ēnei kātū kōrero katoa ki tō tono.)

- He reta e whakamārama ana i ngā tūāhuatanga o tō mahi, o tō ao rānei e noho mōrearea nā koe. Tērā pea he reta tēnā nā tō kaiwhakahaaere mahi, nā tō rōia, nā tō tauwhiro, nā tō kaitaunaki, nā tētehi tangata whaimana rānei i roto i te hapori.
- He tāruatanga nō tētehi whakahau whakamarutanga e mana ana i raro i te Ture Whakarekereke ā-Whānau 2018.
- He tāruatanga nō tētehi whakahau ārai e mana ana i raro i te Ture Whakatīwheta 1997
- He pārongo kua tukua e tētehi āpiha pirihimana, e tētehi āpiha rānei o Ara Poutama Aotearoa e whakamārama ana i te take ka noho mōrearea koe, ka noho mōrearea rānei tō whānau mehemea ka whakaputaina tō ingoa me tō wāhi noho.

Whakakīa tēnei puka ki te tono kia noho koe ki te rārangi muna.

Ō ingoa katoa / Full name:

Te rā i whānau mai ai koe / Date of birth:

Tō nama waea / Contact phone number:

Tō wāhi īmēra / Email:

Te wāhi noho kua rēhita koe ki te pōti, kua tono rānei ki te rēhita / Address where you are enrolled to vote or have applied to enrol:

Whakarārangitia ngā kātū pārongo kua tāpirihia hei tautoko i tō tono / List the information provided to support your application:

Tēnā, tohua tētehi o ēnei / Please tick one of the following:

Kua rēhita kē au ki te pōti / I am already enrolled to vote

Kāhore anō au kia rēhita, ā, kua tāpiri mai au i tētehi puka rēhita kua whakakīa / I am not enrolled and I have enclosed a completed enrolment form

Tō ingoa waitohu / Signature

Te rā / Date

Whakakīa, ā, tukua mai ki Te Kaitiaki Take Kōwhiri, PO BOX 190, Wellington 6140

Tēnā, tāpirihia ngā pārongo hei tautoko i tō tono kia rēhita koe ki te rārangi muna.

He pārongo nō kei **vote.nz**